

Хьуна лаахь

Хьуна лаахь дуьне мел ду кьайлах,
Д1аг1ур ву со шолг1а схьа ца ва.
Хьуна лаахь зезаг хилла бай т1ехь,
Техкар ву со дахар хаздеш хьа.

Хьуна лаахь сирла седа санна,
1аьржа буйса мелла кьагаеш,
Соцур ву со лепаш сенчу стиглахь,
Хьо цхьаь массо вонах лар а еш.

Хьуна лаахь мелчу мохо санна,
К1ажарш д1аса лестор ю ас хьа.
Хьуна лаахь маьлха з1аьнарш санна,
Йох еш бийр бу ас хьа дагна там.

Хьуна лаахь соьх хир шера аре,
Йа лам , йа бух боцу сийна х1орд.
Нагахь йодахь кьайле йина маре,
Т1улг а хилла дуьсар ду са дог.